

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj:02-05-1363/15
Lukavac, 30.11.2015. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-1363/15 od 27.11.2015. godine u otvorenom postupku nabavke usluga za izradu projekata saobraćajne infrastrukturne mreže u Lukavcu, **Općinski načelnik donosi**

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj:02-05-1363/15 od 27.11.2015. godine i Ugovor za nabavku usluga za izradu projekata saobraćajne infrastrukturne mreže u Lukavcu i to: Izrada glavnog projekta za rekonstrukciju dijela ulice Lukavačkih brigada dionica od magistralnog puta M4 (Tuzla-Doboj)-pruga (Tuzla-Doboj) sa ukrštanjem sa ulicama Prva ulica i Milerova ulica i izrada kružnog toka saobraćaja, Izrada glavnog projekta rekonstrukcije raskrsnice (izrada kružnog toka saobraćaja) ulica Prva ulica, Radnička ulica i ulica Partizanski put, Izrada glavnog projekta rekonstrukcije raskrsnice (izrada kružnog toka saobraćaja) ulica Branilaca Bosne, ulica Redžepa ef. Muminhodžića i ulica 8 maja i Izrada glavnog projekta rekonstrukcije raskrsnice (izrada kružnog toka saobraćaja) ulice 8. Marta, saobraćajnice za industrijsku zonu Lukavac, saobraćajnica prema benzinskoj stanici „Junuzović kopex“, dodjeljuje ponuđaču „GEOPUT“ d.o.o. Banja Luka, ponuda broj: 918-05/15 od 02.11.2015. godine za ponudenu od 9.650,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od 5 (pet) dana od dana dostavljanje ove Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 12 od a) do d) i originale ili ovjerene kopije dokaza traženih tačkom 13.2.2.a) Tenderske dokumentacije, broj:02-05-1363/15.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog ugovora o nabavci dostaviće se na poptis izabranom ponuđaču nakon isteka roka od 15 dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na web - stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-1362/15 od 07.10.2015.godine. Javna nabavka je sprovedena otvorenim postupkom. Procjenjena vrijednost javne nabavke bez PDV-a je 15.000,00 KM.

Obavještenje o nabavci broj: 719 -1-2-56-3-33/15 objavljeno je na Portalu javnih nabavki dana 12.10.2015. godine, a sažetak obavještenja o nabavci objavljen je u „Službenom glasniku BiH“, broj: 81/15 od 19.10.2015. godine.

Komisija za provođenje postupka nabavke imenovana Rješenjem broj:02-05-1431/15 cd 20.10.2015.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-1363/15 od 27.11.2015. godine, Preporuku o izboru najpovoljnijeg ponuđača broj:02-05-1363/15 od 27.11.2015. godine i Izvještaj o radu broj:02-05-1363/15 od 27.11.2015. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno sedam ponuda,
- da je blagovremeno primljeno šest ponuda,
- da je neblagovremeno primljena jedna ponuda,
- da je ponuda ponuđača GEOPUT d.o.o Banja Luka kvalifikovana i prihvatljiva,

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 15.000,00 KM i da je kritrij za dodijelu ugovora najniža cijena.

Ponuđač GEOPUT d.o.o Banja Luka dostavio je prihvatljivu ponudu sa cijenom u iznosu od 9.650,00 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac.

Žalba se podnosi u najmanje tri primjerka.

Dostaviti:

1. ARTING BH d.o.o Sarajevo,
2. ZAVOD ZA SAOBRAĆAJ GRAĐEVINSKOG
FAKULTETA U SARAJEVU, Sarajevo,
3. PRONASA d.o.o Sarajevo,
4. PLANINVEST d.o.o Brčko,
5. ROUTING d.o.o Banja Luka,
6. GEOPUT d.o.o Banja Luka,
7. Evidenciji i
8. Arhivi.-



OPĆINSKI NAČELNIK
Dževad Mujkić, dipl. prav.